

## 南陂居士传

勅授文林郎向公讳士渊字学海一号渊躍徙居湘阴之南陂即号南陂居士其先由河南开封随其父守洪州兼佐从兄潭州安抚公幕府有才干凡秦章军机庶务悉资之后尊人卒于官从兄安抚公罷于逸仕途多蹇择地偕逃公与其兄士衡士龙士雄扶櫬南来隐于岳属平江之梓岡里因见湘平按壤水深土厚人物清秀衡与龙雄留于平公独卜湘之邻于平者居焉以田以宅以长子孙公于此蓋长愿作山中宰相矣而乃嗣公胜亦以教授终迄今隸湘土者二百余年农桑之外尚能以诗书世其家于吾邑已哀然自成一族公之流泽何无穷耶吉与公遗裔为世好蓋当过南陂考碑碣質诸父老之流传独令人穆然想公貽谋之善而小毕万之必大也已

明太子少保工部尚书

## 方白公传

当思国之忠臣家之孝子天下之义士其事虽殊而理则一盖未可以轻言者如我朝佐公乃渊公十五世孙仰云公之三子生性聪敏学养深沉识见高明克全孝义窃闻公于父卜葬金盆架时堪与云不利三房诸兄弟皆止念惟公一人不然且曰术士之言何足深信纵或有之吾为人弟为人兄兄弟之子犹吾子也遂扶柩先登以家厝之越数月发配鲁孺人无子以疾卒继配冯孺人未逾年而公歿呈公诚不计一己利害之私而安父于万古无患之所其孝义为何如哉姪孙重佑立碑墓表乾隆丁未岁叙谱附註小赞后奉公神主入祠以配血食並有设主于家朝夕奉祀则公暨德配鲁冯两孺人为有传人矣兹因续修家乘叙及于公四房子孙咸为恻悼爰是含泪染翰述其梗概以垂不朽云

四大房元姪孙贵琳 爵 道国和同识

## 楚隐公传

公讳朝义字楚隐明崇祯时人暄虽未获亲炙其仪型而观其于近地马家冲建法华庵捐香田召僧佛知 隐公为乐善好施之人也德配陈孺人淑慎流芳咸钦拊则生子三长廷标字彩先侯补州县左堂次廷榜字名先三廷松字宗夏邑庠生隐公之曾元若凌云由廩贡官教授诗书继起代不乏人由是观之知公又为诗书食报之人也况孙枝繁衍世居南陂宅尔宅畋尔田其所由来固昭昭可考他如虎形聚庐而处为志周公之长房三房牛埠山大荆街胡家冲分门各户为志周公之四房至若孔昭公之子孙或居黄泥坵或居大禾冲或居牛埠山继继绳绳元元本本有以光大其门闾乾隆己丑合建孝友祠于毛家堂置祀田一石有零每年春秋奉祀夫岂非公之积厚流光之所致与兹党续修家乘公裔嘱予立传爱誌其巔末如此

族元姪孙邑廩生润庭贵暄芳溥氏谨撰

## 凌云公传

古者讳名不讳姓礼也然实如其名又何妨以名而道其实哉凌云先生者讳贤倬号松岩 楚隐公之曾孙固有倬其道卓然为人者也予不获亲炙道範但予祖父大文公与凌云公为莫逆交常述凌云公之文品行谊至详且悉予誌之因为凌云公传之凌云公列儒林心耽典籍法取金陈幼烈膠庠食廩饩乾隆七年岁薦报授麻阳教谕凌云公之文品何卓然也凌云曾祖楚隐公好善乐施建法华菴捐田供佛凌云公继志述事积德累仁周急济贫不离阴鹭凌云公之行谊何卓然也又闻耄耄时製一小舟于向家堰逍遥自得与亲朋酌酒围棋赋诗超然物外有陶渊明柳宗元风味凌云公之志愿又何卓然也嗟乎儒者贵不失乎道义颜子云如有所立卓尔见道语也凌云公之文品行谊如是其亦近道者欤今贵族续修家乘请作传余不敏述所闻于祖父大文公者以为凌云公传

岁进士侯选儒学正堂

年姻眷晚李以真顿首拜撰

## 博安公传

公讳贵纯字博安凌云公之长子也乾隆壬戌凌云公岁荐公亦入泮学宪范赐作述重光匾额鸣呼昔文公云莫为之前虽美弗彰莫为之后虽盛弗传公岂非世济其美欤公为文秀雅声满湘江为人端方世堪坊表为先人继志述事为后裔课读督耕远则绍楚隐公之德教近则守凌云公之良规即当易箠时犹述父书勤俭持家本谦恭处世模二语贻厥子孙此岂苟为生死凡列胶庠者可此耶嗟夫以博安公之父子文行兼优假使得志登朝安知不如敏中公之以飞白书名臣哉而惜乎时命之见限也士君子志洁行芳只素位而行获报无穷耳令公后裔玉筍班班内多创业垂统者顾业之创也不创于创之日必有所由始统之垂也不垂于垂之日必有所由基揆厥所自良非偶也世德所求故也兹修家乘宜作传以纪公

己卯科举人揀选知县

年媼眷晚胡发蓉顿首拜撰

## 直齐公传

吾伯父直齐公讳贵拔字高萃立心忠厚制行光明早岁能文艺中年理家政虽晓世事而率天真自十六世祖可敏公迁居马王桥越乾隆癸巳建私祠伯随叔祖九均公不辞奔走祠成得置祀田至甲辰伍市建祠修谱己酉告竣伯从诸族尊后葺其事焉仍与白菓合置祀田伍市而本处亦立祀田每年腊月兼善展奇两公子孙轮流承祭自后往公祠私祠与祭两公子孙亦值年轮走以路途遥远费皆公出其结念祖宗鼓励后生思深虑远有如此者故族里戚友钦其正直亦服其公平皆以为吾光祖有是德宜其有是子也而伯母彭孺人赋质温柔克勤内助生女二长适彭讳监临次适邹贡生讳柄子一讳国魁字星点号斗城秉性坚刚为人聪敏读书之暇兼善医方乡邻有招之者无不辄应卒未当取人一钱也甲寅伯染疾不能起时勲与堂兄珩方五岁伯临终前一日呼斗城兄而命之曰吾不见此两子读书各与钱三伯积为买书计后当无废此事也并以之嘱吾父焉盖其体吾祖而望吾父望吾父转及我后人一息尚存志容少懈哉勲今年三十有余矣不见伯大人且不见吾父并斗城兄已先吾父而逝也悲夫爰于谱成之日即吾父所传语者撮而记之竊不禁怍然矣

## 煌耳公如意舟记

当闻天下至美之观莫如山水之为甚也然山水之美非其人不非其人不傅余祖敏中公执政于宋后支分士渊公迁白菓南陂居焉宅之前有山上有疎林断崖下有澄清深水乔木郁葱绿阴交荫红塵不到清气逼人態度万千前祖役志于功名皆不暇顾余重有感于斯而叹曰天下佳山秀水皆得博高人遊何独此所寂然任废于是製一叶之舟于其间舟成题其名曰如意余方独坐舟中环顾舟之上下左右突有过客莫知姓名昂然登舟揖予而告曰子为此而取乐乎曾不闻从流连荒亡之戎耶子以此为胜境耶曾不见华岳泰岱洞庭黄鹤赤壁之大观耶余应之曰否否过洞庭遊泰岱诸名胜者岁月殆不乏人何韩柳欧苏辈得意留题千砵称奇绝而外觉此名山大川竟无益于遊人耶且有曰山之名水之灵不在孤高与渺深惟幸仙龙之一至在在可作洞庭泰岱观况此盈尺之地若有天纵之奇乎子不观余所题此舟之名耶如意者非如一己之意而已也因人寓意无所往而不如焉使英雄豪杰登斯舟也山有虬龙虎豹之状水有恬风静浪之模垂子牙之钓进诸葛之竿鳞介归投争先恐后際此明良壮澄清天下之志叵乎时雨骤至沛然浩往更有风争石鬪之雄发声震动之怒百折不回如忠烈慷慨之意也倘有怀才志士邂逅奇逢但见

诸峰若绘环拱森罗禽鸟飞鸣于芝蘭丹桂之上纵斯一苇觅胜寻芳遨遊泮涣意活机流草木动摇无非化理花红柳绿尽是文章与尽归帆停篙溶聚平水绿波静深有本安行无穷非逐而往非迫而续深得至诚时习之妙于斯时也心灵神化开卷敲诗无不多助如左右逢源之意也此外更有功成身退超然高蹈者时或惠然肯来则有朱簾映水风生曳浪之纹锦石封泥苔翠升龟之岸身无君民之责心居日月之表汎汎其流收帆捲楫听其所之殊无拘束从容自如俯仰天地豁然太虚观童叟之欣喜听月旦之评清鸢飞霄汉鱼跃渊滨猗欤休哉然犹未也及舟泊翠阴之下攀柳登岸披襟箕踞清风徐来彩蝶音蝉翕然歌舞石钟流鼓具备天然若乎童稚酌凌波于前老松送籁声于后挥觞浩饮心旷神怡奕商山之棋咏子陵之歌丁丁清绝如遗世独立之意也噫嘻抚斯境也在各命意何所不如以之适意而为乐境者以之治心皆励境也可负天地生物之心乎急需其人耳予故操斯舟以望斯人望斯人与斯山与水作一知己将与李愿之盘谷苏子之赤壁并传于不朽也子丁衰暮窃餘光偷闲学少客不言点首作礼而去

裔孙国瑛 煦彩巍 泰柄香益敬镌

## 如意公舟跋

始迁祖士渊公择湘阴白果最深处修陂堰创基业定墨以貽谋即今之南陂老屋场是也环居皆山上有双峰撑云毓秀下有一涧环抱祖居宅前水折处深数仞云根倚山浮水壁立磅礴底有一竅穿山与隣洞赵家堰相通微波击石铿鏘鞞鞞有钟鼓声上流有石龟随水消长瀑涨不灭老祖朝听公字煌耳耄年製一舟常与朋侪槃桓畅叙于其间爰作记以纪祖宅之清幽雅胜云

来孙晓菴国煦日暄氏敬拔

## 卜蘭公传

传者传其实行有以式範来兹仪型后裔启其忠孝励其伦常俾世世子孙率而由之继绪不忘斯无愧于传焉然非孝友传家诗书启后创业垂统之可继操笔者徒铺名色虚曳声华奚取焉余于 恩荣耆硕向公讳廷芳字卜蘭公老先生深景慕焉公系出宋僕射文简公遗裔朝取公之主器也余虽未获炙其光仪亲其雅範猶幸世好通家不

忘先哲兼与令元孙于万先生同砚日久结契最深习业之馀时或交评往事互论前徽因得耳熟公之行状焉公性孝友浑樸厚重沉潛少侍双亲承颜养志极得欢心父逝世葬尽哀尽礼悲毀异常无如葬后横遭豪恶恃富谋吉越界强争掘塚移枢公恻投官适官他往舟在江心呼难近岸公泣冤伸无路愤极投江官令拯救准訊和结后庐墓一週母逝丧葬伴宿亦如之公金玉五公居长并敦义让壘箴雅奏相应一堂家事一身独任不以外务营心惟督其弟与子姪辈辛勤苦读无墜乃祖书香自后四弟宪五弟典及姪重亲重洪姪孙见思贤正等俱列膠庠子若孙秀而文者多文名丕著詎非公之切念诗书督课惟殷之所致哉原居南陂析箸后因祖居窄隘偕德配姚孺人暨诸子重恺等五人始迁芭蕉冲开创鸿图大启尔宇迄于今層塔叠起增其式廓畹蘭严发蔚荟班班力者耕秀者读长发其祥正方兴而未艾也皆公之孝友传家诗书启后创业垂统之可继有以开之也公之貽谋何深且厚欵兹因贵族重修家乘爰述所闻於于万先生者付诸简端文虽不足以光先生聊可俾先生之芳躅良模永垂不泯者其在是欵夫岂徒铺名色虚曳声华也哉

道光己酉科举人

杨隽佳蔡氏拜撰

## 仔金公传

桂方就传时闻吾祖敦素公与吾父次姜公言及高祖每歔歔悼叹桂询其故祖曰尔年幼须谨识尔高祖廷典公字仔金慈孝友恭刚正卓犖有大志厄小试几四旬始入泮以言直逆教授竟坐是遗之公归谓家人日子之不遇命也姑俟尔辈尔曾祖重洪公字珂南兄弟四公行二性颖异豁达不羁公严督之廿旬始收斂益力学未几府试冠军归途感暑疾数日而卒公恻之既而曰死生富贵分定然也胡弗安之后遂绝意於功名拘小轩於堂东距家数武额其名曰自得轩杜门不出日焚香读易以诗酒自有得於圣道者乌能贫贱不移肃然自得如是哉余数奇一岁失恃五岁失怙三叔父洵廿三早世三婶母杨一子早殇悯余孤弱躬亲鞠育以至成立尔父甫十朝而失恃亦赖杨祖母哺养成人嗟乎余一身尔击伶仃孤苦无能读祖父书以光前烈是可慨也尔谨识之勿忘桂不肖未克继述以伸先人志今冉冉老矣合族续修家乘族房公举经理谱局兹当藏事敬述所闻以誌在后之侗有感於斯而兴起焉又桂之所厚望也

谱局元孙酉香国桂五凤氏敬述

## 云階公傳

傳不傳實無貴為傳此余雅不為人浪費筆墨也若于 淵公裔云階先生則有不能已焉者 稽由南陂白果洞迂馬王橋 可敏公八世孫賢才之令嗣三伯諱賢拔乾隆辛亥捐館先年贊理祠譜與其品行實跡詳載本傳中仲諱貴仕履規蹈矩有古人風先生居叔諱貴卿字萬瞻號云階乾隆庚辰七月十八日申時生性敦敏豁達不染世俗不牽勢利其篤倫也事親孝事兄友教子姪以嚴成其慈其敦本也即可敏公歸葬南陂曾率子姪輩于塋所置田監碑以誌始迂之祖之邱首而不敢忘者可概其他其于族里戚友舉以誠信相待何明經進士三山前輩系先生業師出貢時重貺外又率硯友解囊合得錢數十緡為師出仕計助嘉慶壬申旱荒家食尚歉猶借穀數十石為覓食者備館鄒詞時附近有數古墓崩塌倩人牢為培補其隆師重道與憫窮民澤枯骨又如此積學有年門下士登鬢序者有人生女一适其徒何君儀九丈夫子三長國榜三國經讀書明理后即令經理家政以裕養源惟仲君國勳字慎徽号惇堂者自束髮受書親承庭訓先生曾糾同志設有關聖帝會嘉慶庚午九月忽夢仲君應武試弓箭皆自己所為越明年七月仲君果受知于文衡徐

公至誠感神先示之兆也所不解者以命中之技而自試屢屈强弩人欢为遗珠不置而先生要晏如也其德配余孺人秉性柔顺敬事夫子同乐分甘嘉庆庚辰一岁连举三孙多男之矣异日科甲蝉联簪缨鹊起不有可操左券者耶余与先生同庚甚契窃谓莫逆交自得长聚首不谓道光辛巳三月二十三巳时而先生竟宾天也余輓句有云即今早发华胥梦何日偕遊故国春盖深感哲人萎矣再亲芝宇无期矣悲夫兹我合族继订家乘爰撮纂先生懿行倾德之较著编之简端一以誌善人君子不忍使之歿于世一以俾知善人君子之必不见歿于世云是为传

龙公房族庚弟达轩贡贤新应氏拜撰

## 朱孺人建坊事录

乾隆四年三月十一日湖南长沙府湘阴县学生员向日红同弟重长重敬具呈为青年励节白首完操恳请申详以广

皇仁以敦润化事窃为义事忠臣悉膺

旌表孝子节妇均荷 褒扬生母朱氏性本端严質原柔顺调羹谙性孝承两代慈

姑对食齐眉敬协当年孟女熒青燈于五夜方佐讀以成名歌黃鵠于一朝愿捐生而遂志心先死矣何知秋月春华身暫留兮惟念白頭黃口薄衾單枕愁當廿八之年素壁寒檠冷伴三雛之子以母兼父斷机画荻惟严以媳代儿生事死葬凶懈作未匕人五十四載絳霜績月兩眶血泪落无声膺无穷寿八十一春集蓼茹荼千古心精明不灭何幸幽芳特採

九重丹诏頒來頓令隱德弥彰一片貞心吐出伏愿師台詳請疏題庶穷嫠苦節不隨湘水沉沦而当道洪恩將并洞庭而浩蕩矣上呈

据本学教諭刘家谟訓导雷榮声照得故生員向廷宪号则天之妻朱氏十五合登廿八分鸾以妇代儿甘脆晨昏供二老为师节母辛勤刀尺课三雏公论无间乡邻表扬当为上请得邀旌典足励正风加结移送县宪邓钰照得节妇朱氏乃故生員向廷宪之妻心同白雪洁比秋霜织素养新和九教子节历五十四載寿经八十一春三代书香双身造就四朝景运两眼盈看所当重之

旌典因以永其芳踪乾隆四年六月二十八日加结通详长沙府宪马金门湖南布

政司张燦巡抚都察院冯光裕提督学院陈象樞总督部院德沛俱准在案行咨礼部大堂于乾隆五年十二月初三日为彙题

旌表事本月初五日奉

旨依议加恩旌表 钦此 钦导部抄录原题移咨巡抚都察院许溶布政司张燦湘阴县宪陈所抱于乾隆六年二月十三日照牌事理一体

钦导在于本县乾隆五年地丁内给银三十两听其本家自行建坊刻碑之处俱照祠定例导行仍交节孝姓氏刊入誌书查考无违 钦此 钦遵奉

旨建坊于本居鄢家冲门前下首三月兴工十月告竣孙郡庠生贤方见思氏邑庠生贤振九均氏監修工毕一堂四代盥手焚香顶祝叩谢

皇恩永垂万禩

谱局裔孙贤振九均甫谨录

## 黄孺人节孝传

当谓巾幗中烈妇难而节妇尤难盖烈则决于一时节则守之毕世古今来详书载

誌誠以为足励风化也今嫂黄孺人系同邑青丝桥黄公万安之女也年十八归予房兄国疆字于万公渐愈既而病日境知不能起乃泣与疆言君病革矣傥数促妾不庸惜而君未有似妾心安忍疆密知矢志靡他爰告于父而父喜成厥志以二子国铭之次子泰典承嗣越数日而疆殒矣呜呼合室吞声顿伤离别之感族姻垂唁咸增恻悼之悲而孺人哀戚踰常懵然罔觉由是观之孺人之行谨志坚固决于夫歿之后谅早踣躇于夫疾之时厥后清操励节甘苦不辞事公姑孝而敬训子姪慈寓严处妯娌和而谐凡一切家务击无不宜时年临六十奈力絀不能邀

旌建坊以章厥节犹幸孙斐崛起承祧有人其所以报孺人者尚未有艾而孺人之志节苦心亦稍慰矣兹当续修家乘爰为撰其大略以付诸梓则孺人之守贞垂範与古之巾幗烈节者庶幾后先辉映与

房弟国桂西香氏谨撰

## 惇堂公传行谊详载邑乘

岁甲申向氏缮修家乘吾 师惇堂先生文孙樾青昆仲以余从

先生遊日久属余一言传之谨按

公讳国勳字慎徽号惇堂行二 公性方正绳趋矩步言行一无所苟尤笃于内午自少以孝友称读书素颖異年方髫髻授经已能通训诂时太老师云階先生积学未遇课 公读倍严习帖括业方授以開讲不帀月即能对股又帀月即成篇幅是时诸名宿伟视之家故寒素年未冠节居讲席课读之暇犹攻苦治经史日有常课尤究心宋儒书摻穷理窟年二十有奇学既成以县府前列受知学使徐公补弟子员自后岁科试輒列优等以文鸣湖湘间卒以廩缺未出僅补增广生道光甲辰丙午乡试鼎荐徧中均以额满见遗科第埋歿英雄顾如斯哉公既数奇不偶遂绝意进取于时从学者日益众居舍不能容乃僦居各处祠庙岁常二三十人时人有小书院之称如时者盖有年其立教宗旨则以修身立品为先以穷经为要行文则瓣香先明及国初诸老下笔千餘言立就每课齐内外凡二三十艺试期近则倍之旁午纷纭令人目迷五色 公塗改点竄竟日立

辨莫不迎刃而解动中芳紫讲学六十馀年及门者先后近六七百人得其传者亦四五十人登贤书者不一而足列胶庠者盖指不胜屈焉生平涵养粹然满腔仕爰先是公伯兄季弟未起家时或匱乏时分馆穀之馀与之弟子贫不能僦贖者或竟璧其修金门庭内外严肃雝利里人化之晚年春秋益高家居颐养築室旧庐东偏春秋住日召耆旧雅集觞咏以为乐时引古义相切劘常手周易一卷乐而忘疲其耄而勤学又如此迄於今先生往矣而人其境道其言论丰采犹肃然起敬入其室虽妇孺亦循礼法无诟谇声文孙樾青渭青文行双美能读祖父书其所至正未可量盖先生之世泽孔长矣又况门下士之立教于时者一本先生之教以为教小子后生私淑一如亲炙不尤见先生教泽之流传未艾哉呜呼假使先生得志于时其展布设施必能转移风俗无疑也然吾尝以造就人才之责求之当世士大夫往往难之何哉此中孰得孰失必有能辨之者余故具道其习见习闻以明斯文一脈之宗而为文中子孙諫云光绪十年甲申闰五月

受业优增生邹春溥顿首拜撰

# 岱峰公暨显妣何孺人并传

呜呼 先考弃世年届六旬 先妣之终得年止五十矣不孝鑠与不孝鏞奔走名利颓堕因循未遑纒缀遗徽求表誌于当世大人先生以光泉壤不孝之罪擢发难数矣今岁甲申阖族续修谱牒因于家塾追述成篇怀我二人不禁潜然泣下呜呼先考于道光戊申己酉值 先大母身婴疾病口不能言手足不能持行先考馆于家课读之暇侍汤藥奉饮食两载未离牀蓐 先大母卒先考哀毁骨立治丧必诚必信嗣是先大父外館先考亦外館越数年先考念先大父年老不忍远离就近同館朝夕起居循时侍奉罔不先意承志至饮食衣服悉为调停犹其末也 先大父性端方课家严先考虽年近六旬亦必出告反面光绪乙亥先考入祠冬祭不登席归是夕 先大父考终先考躬亲易箒论者谓孝原天性使然先考性浑樸寡语言不理世务惟亲支有忿难必极力排解之生平廉洁自持咸丰间合族重修家乘先考从诸族尊后蒞其事焉非惟不取心力之资并出私囊以给公费光绪乙亥倡率大湾小桥莲花真东塘坪金鸡山各房入神主以妥

先录其敬念宗祖如此他如先人生辰忌日必恭薦时食致爱致愨恍惚如对先灵值除夕必端坐焚香待旦终其身无懈先考之奉先礼神何一非仁孝之心所推而暨哉先考掌理

关帝吾会不数年广置田畝簿据分文清楚同事咸服其公先考兄弟四先考其仲也平居聚首无纖毫芥蒂见于词色析箸日毫不强争惟孝友于兄弟先考有之先考晚年家渐匮尝谓不孝等曰田园身外物也有子读书吾死亦能冥目尔曹亦知应龙无尺木不能乘风云而上天士不得科名则无以取青紫而食诗书之报乎吾困蹶名场阨于命也然鬱久者发必光尔曹其勉之况吾家读书至尔曹五代守先待后责任匪轻不期丁丑院试不孝鑠既得復失先考谓不孝鑠曰吾儿剑气珠光决不终掩虽为不孝慰然未尝不抚衷自悲也是腊先考倏膺气喘不数日竟弃不孝辈矣呜呼身遭大故何志功名庚辰服闋不孝鑠仍復功亏一篑不孝鑠幸补弟子员次年旋列优等先考有知想亦含笑九泉也哉 先妣何孺人眉齐鸿按手挽鹿车有女丈夫风其事翁姑以孝处妯娌以和尤勤女红躬纺织端莊贞静容服淡雅虽饰不华言语慈祥虽怒不诟临终之日三党七

族靡不称贤至其责子读书则一如先考意也三弟镣继三叔父为嗣幸能成立镣举子一兴藩鏞举子四兴潜兴汉与治与淳颇觉头角崭然神采焕若殆有可读书者惟恨不孝辈潦倒无成时至中年犹未荣膺一命光及泉台小就苟安殊深愧汗倘荷先灵默佑光大门闾克邀

封典仰祈钜公相赠鸿词俾我二人不朽则不孝铭感无既矣

不孝男振鏞鏞涕泣谨述

## 丹山公传

凡秒人者每震其显荣赫奕谓其可述可传而岂知可述可传者不在显荣赫奕而在实行伏之为潜德之幽光发之为老成之行谊吾乡丹山先生之为人也聪颖夙成金相表度玉质昭光守怀葛之衣冠遵唐魏之节俭到老不知塵市生平最喜桑麻幼勤读诗书壮笃修家政情殷作实苦力撑持境遇渐丰时则以橐馀分润肯为与邻族通方催债而聆饥寒之语公再不踵其门至老不改远近多得之及今口碑载道此固公行之表

表者也公不但公诚与物亦且孝友性生克恢前业大振家声勤课读重儒修身膺登仕郎嗣君嶽生列成均其光大门闾何可量哉且也樾荫之下眼垂青棣楼之中眉獨白昆仲五公殿其后无珠宝君五桂辉映后先鴈行和集孙子盈前分王氏之甘效张公之忍一门之内和气薰蒸犹且醞釀閔深床头有洒认为醉乡尝语人曰惟有饮者留其名为人若此是真能盘桓迈轴而乐其乐者欤一生泯雀角之争合室集燕安之庆无骄不如好礼刚直济以和平嗟夫世人方競浮囂一事倖成务张声势一物无济藉以欺人或矜才或使气生前赫々歿则寂焉无闻者不知凡几若公之懿行如是宜其可述可传而为谱牒光也因不揣固陋爰为之铭曰

伟哉我公方面面紫而瞳行高品重气侠才雄超群类唾时荣一抵掌济因扶穷一举趾化俗成风谋貽燕翼美德谁同山高水长忘岁月看飞蓬居然忠厚长者髣髴醉翁

己丑恩举人王光炳謹撰

## 蕉园公传

公讳振伯字宣明号蕉园太学生 公父捐塵踰月 公始生孤苦零丁几难成立 然公性警悟智慮绝人韶龀即崭然见头角诸伯叔咸器异之年十二子身居爨慨然以 光前裕后自任广生植杖去取郭先业而大之嗣是家日丰食指林立而自奉弥俭约乡 党豪侈习为一变至戚党有急輒推解不少吝 公刚赐嫉恶风度凜然临财一介不苟 立身制行为乡党推许睚眦之隙多就质焉 公口若县河剖析动中肯启法言巽语闻 者率感悦息争故环 公居村远近数百家无鼠牙雀角之事论者谓方之陈仲弓王彦 方无多让也 公孝友性成常以不逮奉养为恨佳节忌日躬执笱豆孺慕哀情溢于言 表又推其仁孝之心以敬宗收族凡宗祠公务毅然身任不避劳不居功每遇时祭必先 期诣祠齐宿骏奔执事数十年无異也 公性嗜学自伤幼孤且食贫躬耕作不遑就学 僅以三餘从塾师通训诂后经理家政遇閒暇輒手一编玩索晚年益孜孜不倦对案披 吟无间寒暑有疑义必默识考询顾独观大略不为章句学自圣贤经传唐宋诗文集下

至稗官野史医卜星相之书靡不涉躐得其要领閒游心于奕客有解者辄酬酢弥日不  
饮酒而文士过访则坐纒匕数千言听者忘倦诸名宿多欢公耄年厉学为不可及云原  
配杨孺人淑慎其身内职修举先公卒继配吴孺人抚前室子妇以慈称公举子六教以  
义方访名师俾受学季子筠圃恂恂儒雅克继公志从余遊最久故余耳公德最详又尝  
往求公乡而见称颂者费衰也故乐为传之蔡邕书郭有道之碑可无愧色也已至公先  
世发祥子孺繁衍详载谱牒不赘

举人福农庾億拜撰

## 柳桥公传

公讳贤七字迎福号柳桥塋池公之子也生八岁失恃塋池公不再娶父子二人相  
依为命幼从家省吾先生读书家塾五经四子皆习熟之长及贫笈远方名师器重学几  
成矣旋因父老家贫兼习堪与改务农业四方邀请者众不辞劳苦不较谢资人皆信任  
之乡里有雀角公竭力排解剖析是非不畏强禦及事过人恒谅其本心由是名誉益隆

乡里举公为团总兼理積穀计簿核算无丝毫爽秉笔十余年未尝更易吾乡公事甚繁人多虞诈非素性廉明精神强固不能充是任也公祖天锡公恢宏世业得公为后劲盖守而兼创矣地方桥梁庙宇寺观率皆经纪其事维持公益芳名泐石可考而知也清光绪戊戌岁白菓续修私祠公为纠首忘食废寝手胼足胝有培根沃叶之志无沽名射利之心急公仗义人皆服其诚焉公与余束发订交肝胆相照及论事理心热面赤必求理之所安而后已 古所称直谅之友不于公见之耶公德配廖孺人贤淑勤劳赞成家业令嗣森槐克继公志丧葬尽礼不吝家财公可谓有子矣兹公族续修家乘董事诸先生咸谓公不可无传公子森槐近里通家以公传为请余义不容辞举其大畧以彷彿其生平焉

平邑附贡生姻愚弟苏忠汉颖吾氏谨撰

## 顺卿公传

向公讳国正字顺卿湖湘一伟人也生平寡言笑恶詖谐立心行事卓然自命不凡

清咸丰初粤寇蜂起所过府厅州县靡不胆落神惊望风奔走甲寅夏五月有长发贼数十竄沅江之泗湖山公招团练极力防御贼不得逞愤恨而去誓将纠大众麀至此山肆其焚掠残杀而后快公率舅敢强有力一以当百者数人持长抢大戟追贼至中流尽俘之并获贼船钱米货物而公乃不幸受重伤死矣事闻于朝赐祭葬给银百余两例赠校慰五品衔迄今播为美谈口碑载道是公勇义之气不诚与蘭芷同香湖山并寿也哉今值公族续修家乘公冢孙振祁丐余传余不揣鄙陋爰就父老传闻朝廷旌表之大节珥笔而为之传以昭示来兹云

世再晚黄翼赞鞠躬敬撰

## 在兹公传

公讳国质字在兹孔授公之哲嗣也生平忠厚存心淑均秉性内则顺于亲长外则孚于友朋雅度雍容俨有诗书之气纯风沕穆恍如怀葛之民让水廉泉不至贪天功以为己利礼耕义种亦惟治情田以养子孙易曰积善之家必有余庆吾为公卜焉德配狄孺人温恭足式勤俭宜家曲和鶉弦眉齐鸿桉初公未生男辄以为慮孺人谓之曰如公

之为人必无乏嗣之理及公年四十举子泰福字德昌其立身制行追乃祖乃父诚所谓厚德载福也今见桐荪苗起椒实蕃盈益见天之报施不爽故乐为传之

清附贡生族姪孙振鏞谨撰

## 樾青公传

先兄樾青公天资颖异幼时先父岱峰公授之书过目成诵继从先大父惇堂公遊志承祖硯其学以经史为根柢其作文每下笔千言如天马行空不可羈縻家故寒素弱冠遂居讲席课徒之暇尤勤擬作每为诸名宿所极赏识积稿亦不甚惜听人持去壮年性益超旷趺弛贫累放浪形骸殆有得于卜氏达权之学所谓大不踰闲小可出入者乎而卒困蹶童场清光绪丁丑岁试兄挑覆因错误见遗庚辰岁试与鏞同挑覆兄又以额满见遗以兄之才与学而未博一衿以终且夫妇相继而亡子孙并伤不禄真数奇也乌可以成败论哉嗚呼兄之没光绪十年八月也当日者风雨连床弟昆同塾食先人之旧德诵前代之清芬会桃李之芳园叙天伦之乐事数十年来转瞬竟成幻梦矣追念鵠原怆然涕下

胞弟振鏞谨识

## 宪吾公传

公讳振科字少登号炽蕃寿山公之嗣子也天姿纯粹幼读书识大体及长能文艺诸名宿方以远到期之乃一芹未拾例贡成均鏖战棘闱难伸壮志古人谓文憎命达不其然乎既而寿山公去世公生父岚霞公谓公母甘孺人曰家事浩繁需人共理公于是辍诗书理家政与乃兄晓春公协力同心守而兼创广田园新第宅延师家塾课读之暇宾主更诗酒怡情论者谓其塵俗不染势利不趋殆有竹林之风味欤且公素慷慨好义如贵邑修圣宫立兴贤堂暨祠堂庙宇寺院桥梁一切善举靡不泐其名凡事关乡里公务必挈领提纲洪纤就绪尤见公之热心公益维持桑梓也清光绪甲申白菓增修祠庙豎立中亭公夜寐夙兴不辞劳瘁是岁兼修族谱公竭力赞襄并垫金以葺其事根本之地其培植有如此者况公事继父母与事生父母皆先意承志定省无疎及其先后下世丧葬尽礼可谓君子笃于亲矣宜乎一家内外不下数十人共敦雍睦庭无间言厥后兄弟析箸诸凡产业公不以两股拘之非孝友两全而能若是乎德配刘孺人慈惠温恭克

姻内则事翁姑以孝处妯娌以和诫子妇以义齐眉举按白首同心孺人卒于清宣统己酉夏公卒于是岁冬诗称偕老岂偶然耶于戏公与余平湘接坏始为诗书友继为儿女亲公冢嗣楫兴从余遊数载以厄于文试就敝邑武魁洪举廷兼习骑射获选泽宫仲君叔君季君皆磊落不群一时孙枝叠起競秀争榮将见恢宏先绪丕振家声固可于公之厚德而预卜也兹值续修家乘特举其梗概附诸简端以为后世观型之本云

平江附贡生

嫻愚弟苏忠汉颖吾氏谨撰

## 汝霖公传

传者传其人之事业以昭示子孙若徒笔墨铺张是欲彰斯人之实而反掩之也安能恰肖其人哉吾族汝霖公泰榮公之冢嗣也兄弟二析箸时田僅数斗公竭力经营出作入息由嗇渐丰而勤俭之操依然不改是岂浮囂气习所得染耶夫身歷艰辛者遇事

每多慳吝公则慷慨好义凡有公务及募修庙宇桥梁等项輒乐为输助此以徵其立心甚远而所见者大也况乎赋性耿直遇族党有争论事必为劝解方之鲁仲连王彦方无多让也平居野服逍遥好覽古典稗官野史之书寓目不忘易曰幽人坦坦庶几似之前清光绪甲申合族四修谱牒公赞襄其事曾不告劳经管際明愈盛两公簿据毫无苟且戊戌增修祖庙用费巨金亦赖公蓄积之力今虽人往风微而父老子弟犹嘖嘖称道勿衰非实至名归其能若是乎备配杨太安人撑持内政庭帟之内肃肃雝雝盖其淑慎温恭有以致之耳今届七秩寿辰合族赠以宝婺辉长匾额洵非虚美也长君桐森次君庆生皆器宇不凡克承先专是以壘簾韻叶合室太和行见门闾大启蘭桂叢生将来之发越正未有艾焉弼以族谊得悉其本末故乐为传以誌不朽云

清太学生房侄孙良弼嶽年谨撰

## 锦春先生传

先生讳兴闕字香欽号锦春笃行君子也少读书未有所成父三易公饶智计服贾

歉于质称贷而益之会时不利悉数折阅跳身走戎行入金陵伍籍亦有年驰一纸召先生先生往侍为人傭书耐劳苦谨操持言动虽微不肯苟且久且益坚而誉者日至即素所弗识皆窃窃称之是时江南凋祭百度方新大府湘乡曾文正公蒐遗索滞物色人才而于砥砺名行爱惜廉隅之士尤为注意苟有所闻輒志诸夹袋慮材器使受之者恒莫如所自一日先生閒坐营中忽有靺韦跗注者捧公文而前日制军有命委辨街总事宜先生醵貽良久曰误乎使者曰何误之有先生曰某寄跡于兹交不离部曲名不達官长交焉获此使者曰非小人之所得知也请往徵之比至督署文正公笑而劳之曰余习闻若名稔若行今日之役市井喧嚣人物杂沓幹理亦不易易尚慎旃哉受命而出欲究推轂之由终莫识为谁何金自戡定后五方聚处而湖湘人士恃功骄悍殊难驯辑控驭失宜动即鼓噪先生持以廉静裁以明决无偏徇无激烈居民大驩文正公悦甚饬兼官钱局局务先生精榷算慎取与三年出入有经文正公悯其耿勤将官之念申江贸易滋盛为中外一大都会派往勾当盖将以酬其庸而卹其家焉既首途旅焚其次并委札失之适滬上亦同日告災先生归復命乞假回里文正公留之不能得计先后所获薪质约千馀金藏之篋笥家之人无知之者曰觅先人债籍迄无留遗窃闻某某家尝有往来踵门

求償或笑曰君旅橐不慧何遽尔也姑置诸先生唯唯综计子母曲与料理亦不自言其故大致就绪而小数未悉则使人鸣钲告众谕以已意凡乃父逋负概与清釐无少蒂欠乡里诵之自馀存款计四百金悉以奉母以二百金托老友江君吉臣经管薄取其息又二百金不取息请某司守以佐饗飧先生之意将復渡江东下报曾公知遇之恩无何而曾公移督北直矣而先生亦倦而思息矣此或有天道与顾吾思先生之为人不收效于其身必于其子孙厥后家日以良喆子文澜年甫冠连举丈夫子二今则均能读书矣门第之兴庸可量耶先生性方洁寡交遊獨心契先君子每岁必走伴相招至必作数日勾留白首青镫倾谭竟夕闻者羨焉今传先生不能无遗痛也已

岁在尚章赤奋若葭月吉日誼愚晚周汇清撰

## 渭川公传

向公渭川士林之杰出者也性聪慧好学 尊严云梯公虽频年送读而常使耕作惟三余读书所从之师未获名宿弱冠后 云梯公捐馆遂延先父莲塘公从事家塾八股试帖均大有进步且为人光明磊落好义轻财于父母妻三党培植尤加厚焉先父见

其知大节因命帆与公联为秦晋交越二年先父莲堂公卒公始从庚先生福农受业继从游陈澍卿夫子门下十余年苦心孤诣专事诗书毫不干预外事二先生见其读书敦品均以远到相其巴湘两邑有名之士一时争与为莫逆交 媼母梅孺人挑灯佐读笃修内政中年家号素对 公益得肆力于学即屡试不售而延师教子毋于课功之暇宾主互相琢磨讲论文艺方谓大器晚成苦心人天不负耳孰知天不假年赍志以没今虽人往风微家道中落而继起有人冢君嶽年品学兼优克迪前志仲君菊生亦恪守彝训文孙辈均森森竹立器宇不凡使非公之厚德乌能食报于后人耶今值贵族重修谱牒帆不揣鄙陋谨就素所见公之实行特为之传以誌不忘云

清奉政大夫巴邑姻愚弟周春帆鞠躬谨撰

## 筠圃公传清贡生

人生境遇何常始困终亨先顺后逆皆气数使然有不可强者也我族筠圃先生性聪颖最好学闻有名宿不论远迩即贫笈从遊其笃志与苏章无异应童军试屡列前茅

而终如罗隐不得一衿世所谓科名有分定亶其然乎先生達人也厄数奇遂决然捨去以笃修家政为务孝友一堂人无间言虽家号素对抑抑然不挟富以骄人轻财好义乡邻戚族中遇有捐款罔不慇懃以倡年荒岁歉有赤贫无聊者踵门告匱凋恤之帮助之无靳色亦无德色其待读书寒士尤厚至于有无相通借贷难償者即焚券已责饶有孟尝君之遗风焉折节世务桑梓有鼠牙雀角必力为劝解有难以言解者即垫金以寢事古之仲连不是过也夫以先生之慷慨乐善如此宜又身履顺而不至有逆也举有丈夫子三后先继逝致使恻抱西河家业亦从而中落天之困阨善人固如是哉所可幸者蘭孙一曾孙二头角峥嵘樸耕秀读堪绳祖武先生之德未报于其身未报于其子终必报于其孙曾也前清光绪甲申四修谱牒公举先生任局先生克尽其心不辞劳勩转瞬五修弼与诸君同勩谱事细阅前届经先生纂订传赞釐然秩然可为后人法弼承先生爱重曾与弼言盖棺后尔可为余立传否弼心许之今先生往矣盖不忍听其湮没无闻矣兹值家乘告成不揣鄙陋特述先生之本末以昭示来兹而弼庶无负乃心耳

太学生族姪良弼谨撰